



Hnam dang dan lova sumdawngte dap chhuak zel dawn

Branch News

Chanmari West, July 29 : Ni 24.7.2012 (Thawhlethni) zan khan Branch YMA Executive Committee chu an meeting a, thu pawimawh hrang hrang an rel a, Central YMA-in hnam dang dan lova sumdawngte dap chhuak zel tura a ngenna chu nasa zawka bawhzui zel nise an ti.

He meeting Pu T. Ngurkhuma President kaihhruaiah hian member an kal tha vak lova, kumin YMA Day hman dan an thlir let a, section hrang hrang ten YMA Day hlim leh hlut taka an hman theih avangin lawmthu an sawi a, chhungkaw tinin tinah YMA flag an tar chu lawmawm an ti hle bawh.

Kum chanve hun hman dan ennawn a ni a, section, Sub-Committee hrang hrangten an hmalaknaah lawmawm an ti a, nasa lehzuah hma la zel turin an ngen thar bawh.

YMAAW enkawltu atangin a man luh dan leh lak dan hetiang hian ngaihtlak a ni. Taitesena - 246 - Rs.19,680 (lut kim) Khuangchera - 201 - Rs.16,080 (lut kim) Vanapa-217 - Rs.17,360 (lut kim) Neuva - 140 - Rs.11,200 (lut kim) Chawngbawla -

202 - Rs.16,160 (lut kim) Total Copy -1006 A man lut tawh zat hi Rs. 80,480/- a ni.

YMA Chanchinbu copy 106 lak a ni a, Chawngbawla -12, Taitesena-25, Khuangchera -30, Neuva-15, Vanapa-24 a ni a, a man la ti fel lo ten ti fel thuai turin Committee chuan a ngen.

Khuangchera Section-in kumin chhunga an Budget Rs.5000 an tlak fel chu meeting chuan lawmawm a ti hle. Branch OB te July-September thla chhung Section-a an i/c na tur hetiang hian siam a ni.

Khuangchera- Pu R. Lalchhuanawma Chawngbawla- Pu RL. Thanhnuna Taitesena- Tv. Zairemmawia Vanapa - Pu C. Lalzarliana Neuva - Pu K. Darthantluanga

Local Council

Tunlai hian Sorkar atanga kan tui hmuhna hnar ber khawl a chhiat avang a tui kan dawn mumal theih tak loh avangin, kan veng tuikhurte mipuiin kan tlan nasain, insuk leh inbual nan chauh ni lo ei berah hman alo tul ta a. Local Council chuan kan tuikhur tui dinhmun mipui tan ei tlak a ni em tih finfiah tulin a hria a, State Referral Institute PHED-ah Test tir a ni a, kan tuikhurte hi eitlak loh khawpa tui chhia an ni lo na a, Bacteriological characteristics a alan danah erawh chuan Bacteria an awm thahnem vek a, chuvang chuan kan tuikhur tuite hi kan ei/in dawn a nih chuan chhuanso (minute 10 tal) emaw Bleaching hmanga tih thianghlim ngei ngei ngai an ni a, fimkhur pawh a ngai hle a ni.

Leiman, Zoram chhiah leh Building Tax chu January 2012 atangin

March 2012 chhung khan Aizawl Council area atan khawn a ni a, hun tiam chhung a chhiah la pe lo ten August 2012 ral hma ngeia Aizawl Municipal Council Office, Thuampui a pek tur a ni a, Leiman la pe lote pe tura thinna lehkhah a hnuaia mi tarlante hnenah hian YMA Section hrang hrang a mi ten kan lehkhah lam theuh tur a ni. Pu C. Lalmuanpuia : Chawngbawla Section

Pu H. Vanlalvena : Vanapa Section Pu Lalliansangpuia : Neuva Section Pu H. Lalramhluna : Khuangchera Section

Pu RL Thanhnuna : Taitesena Section

Local Council-in Gas Card an pek chhuah thin chu Ni 15.8.2012 thleng chauh pek chhuah rih tawh tur a ni a, hei hian pem tharte chu a huam lovang.

Ni 24.7.2012 (Thawhleth) zanah khan Branch Executive Committee meeting a ni.

Vengdang atanga kan veng chhunga rawn pem ten pem lehkhah an nei ngei tur a ni a. Pem lehkhah nei pawh veng tana mi tha lo leh veng hming ti mawi lo theite tan chuan lehkhah nei hin awmzia a nei dawn chuang lo.

Chhungkaw tinte faina kawngah mahni theih ang ang hma la chho zel turin an ngen e.

YMAAw buatsaihna hmun chu a theih ang ang tih changtlun zel tum a ni.

YMA hmalakna kawng hrang hrangah Hruaitute leh member te tan la chho zel turin kan in ngen a ni.

Executive Member Dr. Lalramliana MZU Sport Lungleia neiha Pachhunga College team hruaia zin leh Pu RK.Rozidinga Lungleia inneihna hmanga zinte dam takin an lo haw leh ta.

Executive Member Pu C. Lalmuankima chu hritlang khawsik vangin, in lama in enkawl mek a ni a, a dam leh thuai an duhsak hle.

Pu Laldova B/o C. Sangpuia chuan a lehkhah ziah, 'Ka Nu, an hekna zozai che hi' tih Branch YMA min pe chu a chungah lawmthu a sawia, a chhiar duh chuan Branch Secretary hnen atangin hawh theih.

Pi LH.Zamveli leh a fate T-Sect. chuan an pa Pu R. Vanlalhuma, kum 2003-a chatuan ram pan ta hriatreng nan, Kohhran Hlabu bu 7 Branch YMA min pe chu an chungah lawmthu an sawia, Section tinah bu khat theuha sem nghal a ni.

TUNKAR CHANGVAWN
" Krista avanga amah inrin chauh ni lovin, amah avanga intuar pawh phal a ni si a.
Philippi 2:29

Editorial Board

Editor:	J.Lalnangliana	9862399658
Joint Editor :	Lalchhandama	9862358347
News Editor :	Thangkuma	9862303135
	R. Lalringheta	9862358337
	Jacob Lalrinsanga	9612319779
Cir.Manager :	Johny Lalthanpuia	9612359161
	EVL. Hruaitluanga	9862655426
Production Manager :	R.Lalmachhuana	9436151817

Branch Office Bearer

President	T. Ngurkhuma	9436190843
Vice President	R. Lalmachhuana	9436151817
Secretary	RL. Thanhnuna	9436152760
Asst. Secretary	Zairemmawia	9862385654
Treasurer	C. Lalzarliana	9436142049
Fin.Secretary	K. Darthantluanga	9436196071
Adviser-te :	Pu Lalbiakthanga Khiangte	
	Pu Rothuama, Pi Zamanthangi	
	Pu Lalrengpuia Sailo	

Article :**Editorial :**

Kan ramah chuan chhiat tawk an awm hian tlawmngai thei thei kan han che chhuak vat thin a, a lawmawm viau laiin, kan chet dan hi fuh chiah lo a awm thin. Hetiang hun a lo thlena chhanchhuahna hna kan thawh dan erawh hi chu kan inbihchian deuh a tha awm e.

Hmun then katah chuan hetiang a lo thlen hian kan hel nuai deuh niin a lang thin a. Hliam tuar la chhan tlak ngawih ngawih pawh kan ti chau zual thei a, bungrua la hmantlak tur ngei ngei pawh hmantlak lovah kan chhuah thei a, fimkhur taka chet thiam angai a ni.

A tawng ring ring thu hi a fing ber lem lo fova, val upa leh khawtlang hruaituten rang taka remruat zung zung thin ni thei se a duhawm hle. Tlawmngaia lo thawk chhuak ta chu han inhauh leh rih kha a rem tawh chiah thin si lova, a nawlpuia tih chi loh thilte pawh tam tak a awm thin a, a chang phei chuan tlawmngaia lo inthiar fihlim a tul tumte pawh thil awm thei a ni.

Hetiang hunah hian ngaihdan hrang hrang a tam tawh thin a, chuangin ngaihdan fing leh rem hriate ngaihchan thiam a pawimawh hle. Chhanchhuah hna kan thawhna ah awmze nei (systematic) taka tih hram hram hi kan zir tlan a va ngai ta em.

2012 Thuvawn

*I awmdan tur chu
LALPA chungah ngat
la; Amah chu ring la,
aman a ti vek ang.*

LIRNGHING

- Lalchhandama

Lirngging han tih mai pawh hian mi hi engemaw ti tak hian a fan deuh roh thin a. Thuthang lengvak a tamin Mi hlim leh Zawl thupuan lamin hrilhlawk a ni fo thin. Lirngging chanchin leh a lo inven dan hi kan hriat a tul hle awm e.

Tunlai khawvel thiamna changkang takah pawh hian lirngging hun leh hmun tur, a nat dan tur leh pumpelh/hruaipen dan tur hi sawi lawk theih a la ni lo. Lirngging thlen zin/tamna leh thlen duh bikna hmun erawh a awm. Lirngging tuar thang/ngun ber 'earthquake veteran' an tih hial Japanho pawh khian lirngging eng anga na pawh tuar zo tur In leh lo (earthquake proof construction) an la din thei bik lo va, lirngging na tak dawl zo deuh tur in (earthquake resistant building) erawh an duang a ni.

Lirngging hi leilunga chhiatna lo thleng (natural disaster) zingah rau rau chuan thawk rei lo ber leh amah ngawt chuan pawh khawih hauh lo a ni a; a nghawng chhawn In leh lo tlusawp vel hi a pawikhawihthu zawk chu an ni.

Lirngging hi a awm chhan azirin chi hnihah a then theih, chungte chu:

1. Non - Tectonic Earthquake : A nghin tanna (Focus) te an pawnlain a nghawng a nep deuh a; a chhan langsar deuh te chu - Tlangkang, Tuikhawthla nasa, Leimin leh lei/vur tawh nasa, Tuikhuah, Mihring siamchawp puakthei e.g. Lung halna, Nuclear/Atomic explosion etc., Puk chim, Lei hnuai tui, oil & gas lakchhuah.

2. Tectonic Earthquake: Lei chhungril thuk taka insiamremna leh insingsakna avanga lo awm a ni a, a nghing a nasain a nghawng pawh a na hle a ni. Tlemin luhchilh hret ila, Plate Tectonic Theory –

* Kum Maktaduai 350 kalta - khawmualpui 1 Pangea leh tuifinriat 1 Panthalasa chauh an awm.

* Kum maktaduai 200 hma - Pangeachu khawmualpui 2 Gondwana leh Laurasia-ah a keh darh a; An inkarah Tuipui pakhat Tethys Sea a awm.

* Kum maktaduai 200 lai velin Laurasia leh Gondwana te an kehdarh leh.

* Laurasia-ah chuan Asia, Europe leh N. America te an awm.

* Gondwana-ah chuan S. America, Africa, Antarctica, Australia leh Indian subcontinent-te an awm.

Gondwana leh Laurasia-te an kehdarh

ve leh khan an keh them te, tuna khawmualpui lo ni ta te hi tuna an awmna theuh pan hian convection current avang leh a hiptu leh nawrtu azirin an tawh darh ta sang sang mai a. India sub continent (Indian Plate) hi hmar lam panin kum khat a 3 - 5cms a chakin a chho hrut hrut a. Kum maktaduai 38 – 65 chhungvelin Asian plate leh a bula awm Tethys Sea a han thleng a. Indian plate leh Asian plate chu an in nawr ta ngat ngat mai a. Reife an innawr hnu chuan awmhmun lo khuar ngeth zawk Asian plate hnuai chuan a chak lo zawk Indian Plate chu a inkhawh lut ta hum hum mai a ni. Chutia Asia Plate hnuai Indian plate tawh lut chuan an inkara awm Tethys Sea chu a hrut kang chat mai ni lovin a chhuat leite chu a sep kang sang (uplift) chuar ta nengnung mai a ni. Tethys Sea kangchat a, a chhuat leite lo insepang chuar tate chu tuna Himalaya tlangdung (Mizoram te pawh telin) a lo ni ta a ni. Mizoram leh Himalaya tlangdung pumpui hi tuifinriat chhuat an lo ni tawh tihna a nih chu. Hei vang hian Mizoram chu leilung naupang te kum maktaduai 40 vel leka upa a ni an lo tih thin a ni. Heng kan ram tlangdung chhim leh hmar zawnga in khawhte pawh hi hetia lehlam lehlam atanga innawr tawna avang lo piang an ni. He Khawmualpuite tawh tira, innektirtu chu kan lei thuhthip hnihna Mantle chung lam Upper Mantle 100 - 300/500 kms inkar a thuk Asthenosphere ti a an vuah mai khu sakhat/khal ni lovin tuihnang ban deuh thluak a ni a, chu mi han fawk fawn vel chu Convec-

....Phek thumnaah zawm

KHUANGCHERA

Doordarshan Kendra (Aizawl)-ah Lengkhawm Zai record tura inbuatsaih mek a ni a, Ni 27.7.2012 (Zirtawp) zan atang khan an zir tan a, hla zir tura kal zawng zawngte chungah lawmthu an sawi. Ni 2.8.2012 (Ninga) zan dar 7:00 -ah Pu Lalrinliana (Sir Tea) inah zir leh tur a ni a, nu leh pa leh nula tlangval a tam thei ang ber zir turin an insawm.

Veng chhung mi Industry Dept hnuai NLUP dawng tawh signboard la khul lote chu section secretary Pu Zonunsanga (Patea) hnen atanga lam turin an inhriattir.

Ui vulh tute, mahni ui theuh khuahkhirh a, khawlaia ek tir lo turin an inhriattir.

TAITESENA

Ni 31.7.2012 (Thawhtan) zanah Leader inah meeting koh tum a ni a, hunawl lo insiam turin hruaitute an inhriattir.

An Leader Pu RK Rozidinga, chhim lama zin pawh dam takin alo haw leh ta.

In luah tur neite'n luah tir turah fimkhur turin an inhriattir.

Section chhunga damlote an dam thuai an duhsak.

VANAPA

Ni R. Lalramnghinglovi d/o R. Lalrammawia leh Ni Lalnunpui d/o Zairemthangate chu GNM zir turin Apollo Nursing School-ah an tling a, an lawmpui hle.

Pu Vanhmingthanga s/o Saihnuna Sailo chu Assam Rifle-ah a tling a, an lawmpui hle

Pu C. Lalnunmawia Durtlang damdawi ina awm mek chu dam taka alo chhuah leh thuai an duhsak hle.

Pu Lalruata (Patea) chu accident vangin Durtlang Damdawi Inah a awm mek a, dam taka alo chhuah leh thuai an duhsak hle.

NEUVA

Pu K. Lalchullova'n chhuat nawhna tha tak Section tan arawn pe chu an lawm hle.

Hun remchang hmasa berah meeting koh tum a ni.

An Section hruaitu Tv Lalhmingsanga Pautu chu chhungkaw thilah Guwahati-ah a zin mek.

In luah tur neite'n Central YMA in pem lehkha a siam neite chauh luahtir turin an inngen.

PEM CHHUAK

1. Pu C. Vanlalruataate chhungkua chu Pu Rodingliana Tochhang 'T' Sectionte In atangin Edentharah an pem.

PEM LUT

1. Pu Malsawmtluanga te nupa chu Hmuifang atangin Pu H.Lalenga 'K' Sectionte Inah.

2. Pu Lalthianghlimite nupa chu Sialhawk atangin Pu Hmuaka 'K' Sectionte Inah.

3. Pu Lalhhuankimate chhungkua chu Cherhluon atangin Pu Rozama 'K' Sectionte Inah

4. Pu Lalfakzualate chhungkua chu Bungkawn atangin Pi Lalrinawmi 'K' Sectionte Inah.

5. Pi Engthangpuiite nufa chu Vairengte atangin Pi Lalthanzami 'V' Sectionte Inah.

ZOFA

Guwahati lama Club programme-a zin, member 10 te chuan dam takin ni 27.7.2012, tlai dar 3:00 - khan Aizawl anrawn thleng leh ta.

Dar bu tha tak an lei thar a, an neihsa te nena siam remin Darbu Group changtlung tak indin an tum mek.

Vice President Pu Thaa leh Asst. Secy Tv Mangheta-te chu ni 30.7.2012 (Thawhtanni) hian Champhai lamah an zin dawn a, tuang taka Aizawl anrawn thlen leh an duhsak.

Thlanmual Sub-Committee

Ni 28.7.2012 khan YMA Zawlbukah Sub-Committee member leh Section tin Leader te kuang duan hnatlan a ni a, Chawhlui an kilho nghal.

Pasaltha Neuva In leh Gas a thlawn a phal taka hman tirtu Neuva section hruaitute chungah lawmthu an sawi.

Hun remchang hmasa berah Committee thut an tum.

Badminton Club

Aizawl Open Babminton Championship 2012-ah Chanmari West Badminton Club atangin Players 17 an chhuak a ni.

Aizawl North Zone Badminton Competition 2012 chu thlaleh hian neih tur a ni dawn a, Player-te lo inbuatsaih turin an inhriattir a ni.

Indoor Stadium Light siam that leh a chhuat rawng hnawih tha tura hmalak mek a ni.

....Phek hnihna zawmna

tion Current an ti a. Chulai a insiamremna leh fawnvel chuan a chung a Plate te hi a tiche ta fo mai a; Lirngching a thlen ta thin a ni. Chu chu Mizo Piputen 'Satel Lianpui' khawvel phurtu, a chet apianga lirngching thlentun anlo tih chu ni. Tun hun thleng pawh hian Indian Plate hi hmar chhak lam pan hian kumtin 2 - 5cms a chakin a la che chho ta hruthrut reng a. Indian Plate leh Asia Plate han in nawk vel hian India leh Asia hmun dang dangah te leh an inkara awm Himalaya tlangdungah te khichat (fault) lian pui pui, tam tak an lo insiam ta a. An innawk hian lirngching a thlen mai bakah chung khichatte chu lirngching thlenna hmun leh a nat thinna hmun an lo ni ta thin a ni.

Lirngching lamlian : Khawvel pum lirngching chhuinaa an hmuh chhuah leh chhinchhiah danin Lirngching thlen duhna hmun deuh (world Seismic Belt) ti hian then a ni.

1. Circum Pacific Belt : Hetah hian khawvel pumpuia lirngching 68% vel a thleng a. Pacific tuifinriat hualveltu khawmual vaukam te an ni ber.

2. Mediterranean Belt/Alpine-HimalayanBelt : Hetah hian khawvel lirngching 21% vel a thleng a, Portugal atangin Central Europe, Asia, Tibet, China, Himalaya tlangdung, Burma leh East Indies thleng a huam a ni.

3. Mid-Oceanic Belt. : Minor belt a ni a. Tuifinriat bul tlangdung/ramri lai vel a huam a ni.

ANGANWADI HRIATTIRNA

SABLA, hnuai Vocational Training chungchangah hetiang hian tih thar leh tur a nih avangin Centre bial tin a tleirawl ten mahni awmna Worker-te hnenah Ni 30, July 2012 (Thawhtanni) ah Anganwadi Centre-ah in-report theuh tur a ni e.

Training duh turte chu kum 16-18 inkar Sikul kal tawh lo leh BPL memberte tan chauh a ni ang.

KEIMAHNI

Pasaltha Neuva Inah YMAAW kan chhu a, Pu Sangpuia Local Council member chuan Ar sawhchiar min hlui a, a chungah kan lawm hle.

YMAAW ah hian SMS chhuah leh tum a ni a, a thawn duh chuan 9862358337-ah thawn theih a ni a, a zavaia chhuah erawh kan ba lem lo.

ADVERTISEMENT

Aizawl Urban ICDS Project hnuai Chanmari West Anganwadi Centre-I ah Anganwadi Worker hna pakhat (1) a ruak a. Hemi huamchhung a chengte tan dil theih a ni. Diltu chu :-

1. Hmeichhia kum 18 - 40 inkar.
2. Class-X (Matric) passed chin.
3. Naupang ngaina tak tak mi leh khawtlang hmasawna kawng a tui mi.
4. Nula emaw nu valai, fa nei kin tawh chhangchhe lo tan.
5. Eizawna kawng a chhungkaw buai lutuk mi.
6. Mi rinawm taima leh a tak tak a thil ti mi a ni tur a ni.

Dilna hi Plain paper-ah ziakin a hnuai mi hnenah hian Ni 31.7.12 zing dar 10:00 thlengin thehluh tur a ni. *Written Test leh Personal Interview* Written - 31.7.2012 dar 11:00 Am CDPO Office MC. Donald Hill, Zarkawt.

Interview - 31.7.2012 dar 1:00 Pm Interview ah hian Original Certificate leh Marksheets ken nise.

Thlatin lawmman Rs 3000/- a ni ang (ZORAMTHANGI CHHANGTE) Child Development Project Officer Aizawl Urban ICDS Project

MAMA SHOE STORE

Discount Discount
5% - 50%

Zion Street leh Millenium Centre
3rd Floor D - 73
School shoe, Smart Shoe leh Sneaker branded chi hrang hrang Ni 9.8.2012 thlengin kan discount chur chur mai, min rawn dawr ve rawh.

Mawia

Taitesena Section, Chanmari West

CHESTER ENTERPRISE

Vaivakawn (Near SBI, ATM Booth) Xerox, DTP, Passport Photo, Lamination, Spiral Binding, Self Ink Seal, Banner, Signboard etc T-Shirt Printing, Jersey Number leh Hming Chhut (All Kinds of Silkscreen Printing)

Chhiat Ni leh Thatniah thla la tura koh theih reng kan ni e.

Hriata (Neuva Section)

Phone No. **9774399056,**
(3-1) **9856606722**

ENERGY RENCHEM MIDANGTE TAN

- C. Lalzarliana

Khawvel hi tun ang zela a than chak chuan mi tam tak chuan a awmzia leh a nihphung pawh hi kan hre lo mai thei awm e. Chuvang tak chuan kan hriat loh lai hian min delh tu a tam tial tial a, leimin emaw, lung lum in emaw min delh kher lo pawh a ni thei. Mahse kan kalphungah hian min delhtu hi a tam zel dawn niin a lang. Chung zingah chuan kan mit a kan hmuh reng leh min delh rengtu Electric thil hi kan paih bo mai theih chu kan paih bo ve hret hret a tul ta hle mai. Hre vek seng lo mah ila a hnuai mite hi chu lo hre ve mai mai ila a tha awm e.

1. Electric kan hman tangkai loh thilte a awm chuan off zel.
2. Bulb leh tube-te a balh chuan tihfai thin.
3. CFL Bulb-te hman uar
4. I Fridge hnung lam Condenser leh a chhin vel bawr tihfai thin rawh.
5. Fridge hi a rei lo thei ang ber hawng thin rawh.
6. Computer i hman loh chuan off thlap thin ang che.
7. Electric bungrua i lei dawnin ISI Mark ngei lei thin ang che.
8. Khawl changkang - fridge, Washing Machine, A/C etc i lei dawnin Star label lei rawh, Star tam tamin Current a heh lo zel.

Electric hi kan mamawhna a sang zel a, a tangkai zia pawh a takin kan mit ngein kan hmu ta zel. Amaherawhchu kan hman thiam loh chuan keimahnin kan tuar mai a ni lova ram pumin a tuar zel tih hria ang che. Chumai ala ni lo Khawvel pumin a tuar thei, a chhan chu lum a pe chhuak a, khawvel a lum pah a ni. Kan Bill alo sang baw ang. Chuvang chuan a chungah kan han tarlan tlemte pawh hi zawm thei ila chuan kan Electric Bill a tlem anga, ram pum tan, khawvel tan kan thawk a lo ni anga, keimahnin kan lo nawm pah thei a ni. Electric hman ruk leh Electric hrui hnaih lutuk a in sakte hi i ching lo baw ang u.

SMS

Branch Executive Committee chuan SMS huang siam hi tha a ti a, chuvang chuan he huang hi kan dah leh ang, in duh zawng rawn sawi leh rawh ule, in mb. no. kim emaw hming emaw kan chhuah tel ang, tah hian thawn rawh le- **9862358337.**

CWSC

FOOTBALL MANAGING BOARD

☞ Ni 27.7.2012 Zirtawp zan khan Football Managing Board Meeting Pu JK. Zosangliana inah an thu.

☞ Mizoram Premier League (MPL) play off leh 1st Division Tournament inbuatsaihna tur Local Council phalnain vehbur khawna tlawmngaia petute chungah lawmthu an sawi.

☞ Tun Season-a 1st Division team enkawl turin Pu Lalliansanga, Pu C. Zonunsanga, Pu Zothansanga Tochwawng leh Tv. Lalnunhlma (Vpa) te ruat an ni a, 3rd Division Team enkawl turin Tv. Lalnlanhluah leh Pu T.C Lalnunpuia te ruat an ni.

☞ Mizoram Premier League khel tura an tlingzo ta lo chu pawh an ti hle a, inkhel tawiam thintute chungah lawmthu an sawi.

☞ Inrinnia MPL play off match hnukung ber Mualpuia inkhel entute leh playerte kalna tur Bus hire saktu Pu C. Lalzarliana chungah lawmthu an sawi.

☞ Zirtawp tlai khan Local Council chuan Football playerte zanriah an buatsaih sak a, an chungah an lawm hle.

VOLLEYBALL MANAGING BOARD

☞ Ni 30.7.2012 atang hian tlai dar 3:00 second division in practise tan tur a ni a, dar 4:30-ah first division-in practise veleh tur a ni ang.

chhuanawm

Thansanga & Sons, Basic Pulse, Mizoram Drums Festival 2012 inelna a lawmman pakhatna dawngtu Lalngaihawma Zote hi Pu Vanlalruata Zote leh Pi Lalthanparite fapa pathum zinga a milai a ni. Chawngbawla Section a cheng Lalngaihawma Zote hi Ni 10.11.1991 khan a lo piang a, tunah hian ICFAL University-ah III BBA a zir mek a ni.

Naupang lai atanga fel, nu leh pa thuawih tak mai a ni a, Sunday School lamah pawh Pi Zaii Medal (kum 10 a zawna kal kim) pawh a lo dawng tawh a ni.

Drummers Link Mizoram ten an buatsaih drums invuak siakah hian mi 28 an tel a, chung zing atang chuan final lutin thiam ber nihna a hauh a, lawmmanah hian pawisa fai Rs 30,000/-, trophy leh Certificate a dawng a ni. A telna Kroashia Band hian ulbum tihchhuah tumin hma an la mek a ni.